



Raan eo Enaj Jejjet Kütien: Jebtōmba 15, 2020

Melele in Kajinet ñan an Aoleben State eo Bar Bellok – Ikkure ko, Kadiklok Joñan Rool ñan Ikkure kin Jejjetin Ikkure ko

Maroñ eo: Wōtar jen Ra In Lolorjake Nōmba 20-27, ORS 433.441, ORS 433.443, ORS 431A.010

Ekkar ñan: Melele in kajinet in ej jerbāl ñan katak in ikkure ko, kōmelmel im ikkure ñan jejjetin ikkure ko ilo aoleben state eo.

Kabin: Ñan joñan an melele in kajinet in aikuj loor kin jet kakien ko, enaj mennin kabin einwōt kōjejet ilo Wōtar jen Ra In Lolorjake 20-27, ioon 26.

Kōmelele ko: Kin wūnin melele in kajinet in, kōmelele ko laajrak rekkar:

- Melelein “ikkure ko riikkure ro rej kebaak enbwin doon” ej melelein ikkure ko rej aikuj ak emaroñ wōr ien ekkā ak ien aitok an riikkure ro kebaak enbwinnin doon, ekoba bōtab ejab bōjrak wōt kin ikkure ko einwōt football, rugby, wrestling, cheerleading, basketball, hockey, tuuj, water polo, lacrosse an emaan.
- “Ikkure ko edik im ebwe joñan an riikkure kebaak doon” ekoba bōtab ejab bōjrak wōt kin ikkure ko einwōt softball, baseball (iakiu), soccer, volleyball, lacrosse an kōrā, flag football.
- “Ikkure ko riikkure ro rejab kebaak enbwinnin doon” ekoba bōtab ejab bōjrak wōt ñan tennis, swimming (aō), golf, cross-country, track and field (ettōr), cheer im tuuj jen tōrerein jikin ikkure/ejellok kebaak.

Emōj kamo ikkure ko elab an riikkure ro kebaak doon ilo tōrre in. Kaminene im kakajur, einwōt ekotak, ettōr, im kōmelmel in ikkure, reban koba an riikkure kebaak enbwin doon ilo jabdewōt wewein.

Kōmelele:

Uwōta in aer lelok kij in nañinmej eo an COVID-19 enaj ekkar ñan elōñ wewein ko ekoba:

- 1) Wōran armij ilo juon jikin
- 2) Jikin rot (iloan em ak inabōj)
- 3) Joñan kōtaan armij
- 4) Joñan ien bed ilo jikin eo

5) Alen kein kejbarok ko rej kōnaki (einwōt kein kalbubu iturin māj)

Einwōt ñan melele in kajinet eo ekkā, kumi ko rediklok joñaer elablok aer kejbarok jen ro relablok; ijoko inabōj elablok aer kejbarok jen ijoko iloan em; ikkure ko remaroñ loloorjak ettolok kin jiljino (6) ne ak lablok elablok aer kejbarok jen ro rebaake doon; im an kadulok ien elablok an kejbarok jen ñe aitoklok ien. Director im coach ro an ikkure ko rej aikuj lōmnak kin aoleben wewein kein ilo ien aer bebe in rool in ikkure.

Mennin Aikuj ko Rekkā:

League ko, coach ro, riikkure ro, im ro rej lelok katak reaikuj:

- Etale im loor [Melele in Kajinet eo an Oregon ñan Jikin Jerbal ko ikijen COVID-19](#) im [Melele in Kajinet an OHA ñan Bar Bellok](#) ñan Armij ro ilobelej
- Kamo an rijerbal im riikkure ro ewōr jabdewōt aer [kakōllein COVID-19](#) jen aer deloñe ijoko ak jikin ikkure eo.
- Jab lelok rōjañ ñan jabdewōt armij, ekoba riikkure ro, ewōr uwōta ñan nañinmij kauwōtata ak ewōr an nañinmij elab kadede bwe en jede ñan jabdewōt makūtkūt in ikkure.
 - Elañe juon riikkure, rijibañ, ak rialwōj enaj kwalok kakōllein COVID-19 ibben, juon rijerbal en kajitōk an etal jen ijo, lelok juon an kein kalbubu iturin mejen, kein bōbrae iturin mejen, ak kein kalbubu iturin māj an taktō im jibañ kadiklok an kebaak ro jet mokta jen an moot jen ijo. Kaju karreo im jolok jorren jen aoleben ijoko renañinmij eo ear kōjerbali.
- Kilōk jikin idaak aebōj, ijellokun men ko emōj kōmmani ñan etteiñ nien aebōj ilo an bato eo jab uññūri jikin etteiñ eo. Rōjañ an aoleb riikkure ro bōktok aer make bato in aebōj emōj aer teiñi.
- Ekōnak kein kalbubu iturin māj an jikin taktō, kein bōbrae iturin māj, ak kein kalbubu iturin māj, ñe kwōj bōk kwōnaam ilo juon ikkure iloan em ak inabōj ñe eabañ am maroñ ettolok jiljino (6) ne jen ro jet ekkar ñan [Melele In Kajinet eo an Aoleben State eo ikijen Kein Kalbubu Māj ko Emōj Kōmman Joñan ñan Jikin Taktō, Kein Bōbrae Iturin Māj ak Kein Kalbubu Iturin Māj](#). Ejab aikuj juon kein kalbubu iturin māj an jikin taktō, kein bōbrae iturin māj ak kein kalbubu iturin māj ilo ien eabañ, einwōt ilo ien aō. Wūnin ej kinke kein kalbubu iturin māj eo ej ñan kejbarok ro jet ñe ebaj wōr kij in nañinmij eo ibbōm. Armij remaroñ kajeded COVID-19 meñe rejab eñjake aer nañinmej.
- Kajutak [kōjellā ak bija ko realikar](#) kin kakien ko ikijen kein kalbubu māj ko an taktō, kein bōbrae iturin māj, ak kein kalbubu iturin māj.
- Loloorjak an jimwe kōmadmōd in kein jermal in kōto eo iloan mweo. Kōlablok an mejatoto eo diwōj deloñ ñan joñan am maroñ ilo am kōbellok wūntō im kejem ko. Ilo jikin ko iloan em, deel ko rej aikuj jermal wōt ilo ien wūntō im kejem ko rej bellok ñan an maroñ diwōj deloñ mejatoto jen inabōj. Jab kōbellok wūntō im kejem ko elañe am kōmman eindein enaj lelok uwōta ñan rijerbal, rialwōj, ak riikkure ro.

- Lelok melele in kakien im kin ijoko ñan riikkure/ro rej bōk kwōnaer, jinen im jemen, rikejbarok, im rilale ro mokta jen aṃ bar jino makūtkūt ak jinoin season eo.

Karreo im Jolok Jorren:

League ko, coach ro im rikaki ro reaikuj:

- En ikut aṃi karreo im manman kij ilo kein jermal ko rej kōjermal ibben doon. Ekoba ak ejab bōjrak wōt kin, kein jermal ko einwōt bōta im racket ko. Kōjermal kein manman kij ko emōj likūt ilo [laajrakin etan kein karreo ko emōj an Obij in Kejbarok Mejatoto \(EPA\) kōwebben](#) ñanSARS-CoV-2 kij eo me ej kōmman nañinmij in COVID-19.
- Aikuj an rijermal im riikkure ro kōmman wewein kejbarok im karreo ko ekoba kin ikut in aer kwal beir im bineje maje im bokbok ko aer. En ikut kwal bā kin jooḃ im dān iomwin ejab diklok jen 20 jekōn, elabtata elikin aṃ jibwe men ko kwōj kōjermali ibben ro jet ak ilo ien aṃ wūr botiṃ, bokbok, ak ṃaje. Jab jibwe mejeṃ, botiṃ, im loñiōṃ.
- Ñe ejellok jooḃ im dān, kōjermal juon kein manman kij in bā ewōr 60-95% arkool kobban. Kalbubu aolep ijōkane ion beiṃ im eoeo ibben doon mae aer mōrā.
- Rōjañe an riikkure ro bōktok aer make kein manman kij in bā ñan aer make kōjermale. Emōj rōjañ an league ko lelok jikin kwal bā im/ak kein manman kij in bā.
- En ekut aṃi karreo im manman kij ijoko elab ito-tak, im ion men ko me ekkā jibwi ijoko rijermal, riikkure im rialwōj rej etal ie.
- Lolorjak an karreo im manman kij ilo imōn kōbojak ko mokta im elikin jabdewōt makūtkūt an league eo.

Ñan joñan eo emaroñ, league ko, coach ro im rikaki ro ren:

- Likūt juon eo ej lale riikkure ro/ro rej bōk kwōnaer bwe ren kejbarok aer bed jiljino (6) ne ettolok jen ro jet, ilo jikin deloñ, jikin diwōj, imōn kōbojak ko im bar jabdewōt jikin armij remaroñ kakobaba ie.
- Kōjermale kakien eo “deloñ-juon-diwōj-juon,” im emelim an juon wōt armij bed ilo imōn kōbojak eo ilo juon ien.

Kōttolok im Wōran Armij:

League ko, coach ro im rikaki ro reaikuj:

- Lolorjake aer loor [Melele in Kajinet ikijen Kakobaba in Armij ilo len Juon im len Ruo](#). Elañe ikkure eo ej kōmman ilo juon jikin ikkure ebed ilo county eo ebed ilo Alen Ruo, coach im rikatak ro remaroñ loor joñan jemlok in wōran armij remaroñ kakobaba ñan [Rikōmadmōd ro an Jikin im Makūtkūt ilo len Ruo](#).
- Lolorjake an armij ettolok ejab diklok jen jiljino (6) ne ñan kajojo armij.
- Kōmman im kōjejet kūtien juon bebe ñan kōmman joñan rialwōj ro kwōj kadeloñ ñan ijoko bwe aoleb rijermal, rijibañ, rikoontōreak im rialwōj ren maroñ bed jiljino (6) ne ettolok jen doon.

- Likūt juon rijerbal ej lale an rialwōj ro ettolok jiljino (6) ne jen doon, ekoba ilo jikin deloñ, diwōj, imōn kōbojak ko im bar jabdewōt jikin armij renaj maroñ kakobaba ie.
 - Kejbarok an armij kōttolok doon elabtata an aurōk ñan armij ro [ewōr kadede aer nañinmij](#). Doulul in armij rein elablok ñan nañinmej kauwōtata jen COVID-19.
- Rōjañ an aoleb armij ilo jikin ikkure ekoba riikkure, coach ro, rijiban, referee ro, rikoontōreak ro, im rialwōj ro, bwe ren kōttolok doon ejab diklok jen jiljino (6) ne jen armij ro me rejab jokwe ilo ejja kapijukunen eo, elabtata ilo jikin ko ekkā aer aen doon.
- Ñe elōñ makūtkūt in ikkure ko rej kōmman ilo ejja jikin eo ilo ejja ien, league ko, coach ro im rikaki ro rej aikuj:
 - Lolorjak an riikkure im rialwōj ro ilo makūtkūt in ikkure ko rejab kōjerbal ejja ijoko, ekoba bōtab ejab jemlok wōt ñan imōn kōbojak, hallway ko, jikin wia mōñā.
 - Karreo im manman kij ion ijoko ekut jibwi, einwōt kein jibwe kejem ko, ikōtaan keem ak makūtkūt ko rej kōmman elikin doon.
 - Karreo im manman kij ilo ijoko elab ito-itak einwōt jikin deloñ, diwōj, tebōl ko imaan ilo jikin deloñ, imōn kōbojak im jikin wia mōñā im mweiuk, ikōtaan keem ak makūtkūt ko rej kōmman elikin doon.
 - ♦ Elañe kumi ko im rialwōj ro ilo juon wōt makūtkūt in ikkure renaj jimor kōjerbal juon wōt imōn kōbojak, likūt bwe en belloko wōt kejem in diwōj im deloñ ko, ñe remaroñ, im lolorjake an ikut karreo im manman kij ion ijoko ekut jibwi einwōt kein ejob kejem im bojet ko.
 - **Ñan joñan aer maroñ, rikōmadmōd jikin ikkure ko ren:**
 - ♦ Kōmman an oktak ien an rijerbal, riikkure, im rialwōj iwōj im rool ñan kadiklok aer kakobaba ilo jikin deloñ, jikin diwōj im imōn kōbojak ko ñan loore kakien ko ikijen kōttolok doon.
 - ♦ Lelok jikin deloñ im diwōj ko rejenolok ñan rijerbal, riikkure im rialwōj ro.
- Likūt jikin mānija im coach ro, ilo ien ejab ien katak/ikkure, ñan lolorjake aer kōttolok doon.

Katak im Ikkure:

Ñan joñan aer maroñ, League ko, coach ro im rikatak ro ren:

- Bōk laajrak ko bwe en dik an bwe joñan an ro rej bōk kwōnaer/riikkure kebaak doon ñan joñan eo aikuj ñan ikkure eo. Men in ekoba jab shake hands, high five, keitaak /bā jimwin bā, keitaak ob im aen doon ñan kōjerammōn ko.
- Kōttolok kein jerbal ko ñan kejbarok an riikkure ro jab kaju kebaak doon.
- Rōjañ an riikkure ro kōjerbal kein jerbal ko aer make ilo ien remaroñ. Koñin bōbrae ak kadiklok aṃi kōjerbal kein jerbal ko ibben doon, ilo ien kwōmaroñ.
 - Elōñ jet kein jerbal ko reaurōk remaroñ jab wōr ñan an kajojo riikkure make kōjerbale. Ñe aikuj bwe riikkure ro ren jimor kōjerbal kein jerbal ko reaurōk ak reiet, kajojo kein jerbal ko rej kōjembali aikuj ikut an karreo im manman kij, joñan

eo ekkar ñan ikkure eo (einwöt ikōtaan riikkure, ien bōjrak, ien ko, ak keem ko). Kōjberbal kein manman kij ko emōj likūt ilo [laajrakin etan kein karreo ko emōj an Obj in Kejbarok Mejatoto \(EPA\) kōwebben](#) ñan SARS-CoV-2 kij eo ej kōmman nañinmij in COVID-19. Ejañin wōr juon kein karreo emōj likūt melele ko an ej ñan COVID-19, ak elōñ kein karreo ko im ewōr aer kōmelele ilo website ko aer kin aer jberbal ikijen coronavirus eo ibben armij.

- Karreo aoleb kein jberbal ko rej kaju kebaak bar, māj, bā, im kwōn lukkun tiljek im niknik ilo am karreo.
- Rōjañ riikkure ro ak ro uaan baamle ko aer bwe ren karreo im jolok kij ilo kein jberbal ko elikin kajojo ien aer kōjberbali elañe remaroñ.
- Kōmelim an rikaki, coach im riikkure ro wōt bed ilo jikin katak ko ñan lolorjak an aoleb kōttolok doon im kabōjrak an armij aen doon.
- Katak ak ikkure inabōj ñe emaroñ kōmman ilo an ejellok jorren, ilo ien ejab rube jabdewōt kakien ko an bukōn eo. Kwōn kōlaajrak ien ebwe ikōtaan ien katak im ikkure ko bwe aoleb armij ro jen ien katak eo mokta ren maroñ diwōj jen ijo mokta jen an kumi eo juon deloñ. Men in ej kadiklok an armij kakobaba iturin jikin deloñ, diwōj im imōn kōpojak ko ilo wōr ien ñan karreo im manman kij ilo jikin/kein jberbal ko.
- Kakien bwe armij ro ren deloñ ijo ilo juon wōt jikin deloñ im diwōj ilo juon wōt jikin diwōj. Jab bineje jikin diwōj ñan eo enaj wōr kijeek. Kōjberbal kōjjelā ak bija ko ñan kwalok ial in ito-tak juon wōt ial. Lōmnak kōn aṃ laajrak im kōmman ien deloñ ñan ijoko ñan kadiklok joñan armij ro rej deloñ im diwōj ilo juon wōt ien.
- Bed wot inabōjin ijoko (waan joñak ilo wa) mae ien katak ak ikkure eo. Men in ej kōtlok an armij moot jen ijoko mokta jen an kumi eo juon deloñ im ej kadiklok kakobaba in armij. Rōjañ an aoleb riikkure ro im baamle ko aer ñan kōmman eindein.
- Ñan bōk elōñlok melele in kajinet kin jikin tutu pool ko, lale [Melele in Kajinet ñan Jikin Tutu ko ewōr aer Laijen, Jikin Spa Pool ko ewōr aer Laijen, im Koot in Ikkure an Alen Ruo.](#)

Kein Jibañ ko Jet:

- [Kōjjelā im bija ko kwōmaroñ kajutak](#)
- [Melele in Kajinet an Aoleben State eo kin Kein Kalbubu Māj einwöt an Jikin Taktō, Kein Bōbrae Iturin Māj, Kein Kalbubu Iturin Māj](#)
- [Melele in Kajinet ñan Ikkure ko an Jikuul K-12, Ediklok Joñan Rool in Ikkure an Aoleben State eo](#)
- [Melele in Kajinet Ilo Alen Juon im Alen Ruo kin Swimming Pool ko ewōr aer Laijen, Spa Pool ko ewōr aer Laijen im Koot in Ikkure ko](#)
- [Melele in Kajinet an CDC ñan Rilelok ro an Baak im Imōn Ikkure ko](#)

Maroñ loe beba in: Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wewein ko jet einwōt ukok ko, jeje kileb, ak jeje ko an ribilo. Kebaak Jikin Melele in Ejmour eo ilo 1-971-673-2411, 711 TTY ak COVID19.LanguageAccess@dhsoha.state.or.us.